



A produção deste livro tornou-se possível graças ao apoio do povo Americano através da Agência dos Estados Unidos para o Desenvolvimento Internacional (USAID). O conteúdo desta publicação é da total responsabilidade do Ministério da Educação e Desenvolvimento Humano da República de Moçambique.

#### FICHA TÉCNICA

**Título:**

Wiikosoopa ni ireca soohiyana

**Língua:**

Elomwe

**Coordenação Editorial - MINEDH:**

Telésfero de Jesus

**Vamos Ler!:**

Samima Patel, Abdala Machude, Amélia Bazima,  
Dilson Buque e Francisco Sampaio

**Autores:**

Arigo Saraiva, Waldemar António, Assane Consolo, Moisés António e Laura viegas

**Assessoria Linguística e metodológica:**

Carlos Manuel

**Ilustração:**

Moises Utuji

**Maquetização:**

Jorge Neves

**Capa:**

Jorge Neves e Moises Utuji

**Impressão:**

Nova Delhi, Índia

**Tiragem:**

1839

**N.º do registo:**

10047/RLINICC/2019

**Financiado pela USAID**

**República de Moçambique**



REPÚBLICA DE MOÇAMBIQUE  
MINISTÉRIO DA EDUCAÇÃO E  
DESENVOLVIMENTO HUMANO



**USAID**  
DO PVO AMERICANO





Epula emanle orupa mapuro makinaaku  
ankhala oonanara.

Manaxi annarakama mwaha wa maahi a ehime.  
Elukuluku anayariwaaya ni aniiwuwaaya asiichu  
ntoko:

- Ikuluh, apuye, mantulo ni amuchoro.  
Imusi sinnaphwanelo olipiherya  
marehereryo a vaate.

Achu mmavaate, anamurava ireca sawaaca.  
Hiiha, ti waphaama achu ootheene  
wiikosoopa ni ekumi.



4



Orama wa epewe wookhala onruuhela makacamiho. Awo makacamiho manceene mwiikumini mwahu.

Nookhala orava malariya, koolera, ovele ni naakothokotho.


Koolera ereca yawoopihexa.

Onaraviwa muchu alyilye yoolya eravihiwe e reca ni ikuluhi.

Ekuluhi mwaaxinama onamuruuhha koolera mwiilaponi.

Epewe ya mmwiilini ni ya mmucecheni ethokororiweke.

Yathokororiwa, anamusepaka ireca sawoopiha.





Anamulela aamurava koolera.  
Epula emwanryaaya vawi heyaaavenle van'  
yateni vaya.  
Manaxi ni ikokhola sahaaceereryana.  
Asiichu tho yaaceereryana ni eneeca mootaphuwa.  
Ikuluhi inathatha va soolya saya soohikhuneeliwa.  
Mimanka aaronleyiye ni alya heyaarapinhe.  
Anamulela olelo anamurapheya ni mirimani  
owiicelakamo.  
Mwa yeela, noove ni nikosoopeke ni ereca.





Anamulela masooso aya ahaathitelela mpakana  
ekuxiwa. Yaakuxiwa mwa waakuva ekerihiwa  
oxipitaale ya oviila.

Masooso aya ahaakuxererya.

Anaya ovahiwa murece wi epenuwe.

Anammaki aarya yaakhaviherya owela mukaaroni.

Anammaki yaahiiwanana ora oreherya  
vaate va Anamulela.

Ekoookaka oxipitale, yaaphwannye  
vaate vaya oreherihevo.





Anamwacama aya Anamulela yaathukumana.  
Ale yaavaha miruku wi yiikosoopeke vaate  
vaya ni ikokhola.

Annaakhaviherya okacela ikokhola nlici ni  
wuuhelaka malici.

Apaapa awe Kiki yaari wiiwo yaaloca eriki:  
- Anamulela munoona hayi mmwiili mwanyu?  
Mulela: kinnoona phaama.

Ti waphaama okhalano epewe nnakalaahumo.

Apaapa a Liino: Naanakacela ikokhola ikuluhi  
sinnarimeela.





Amaama: Naari, n'yaaka oxipitaale yeeraka:  
Nnakhalahuvo wananaara nnahaala wiiceliwaka.  
Mulela: Ovinya olelo oya muhoolo kinahaala:  
- Okosoopa vaate vaka mahiku ootheene.  
- Kinahaala orapaka ni sapawu.  
Kookhalano mulapa wa apuye wi kisepe malaariya.  
Nkirwa kilya sawiima kihirapinhe vawi ti yoonanara.  
Mulela: kinoothamalaani amunawaacamana!





Empa ya Anamulela ti yooveteeriweene.

Ikokhola sootheene sookaceliwa nlici wi esepe ireca.

Malici a maahi a weemela ahuuheeliwa ni manaxi.

Anamulela aneeca oohakalaleene ni ekumi.

Vano, vaate va Anamulela isaavovo Ikuluhi .

Munthowa nenla, anamurava tho koolera.

Aakhalano esintina ya ecurwa ni malantha.

Emusi aya enakhala yoohakalala mahiku ootheene.





Ohiya koolera, yookhalavo ereca ekina yawoopiha:

- Malaariya.

Malaariya ereca enaraviwa munthowa na ohoma wa apuye.

Puye onanihoma nikonne vaate va mulapa wa apuye.

Anamulela vano aakhalano mulapa wa apuye.

Nnaamwi ehimoonne puya, annarehererya mulapa.

Ti waphaama weerano tho yeeyo aneera Anamulela.





Wooxeexilo nivinnye.  
Anamulela annaveteerya vanyateni  
vaya yaasepaka apuye.  
Emalinhe oveteerya vaate, annarapa  
ni ocapa soowara saya.  
Emanle orapa, annakucha miino ni  
annahaxula miihi aya.  
Vano, Anamulela muchu eepewe ni ookaxaala.  
Nto, annaahusiha tho anamwane aya wi  
yiikosoopeke.  
Anamwane tho annawiiwelela apaapa aya  
mmahuseryo.  
Hiiha, emusi ya Anamulela enniinuwa mwa phaama.

